

憨山大師法彙初集

(第二冊)

圓金心

覺

剛經

經

決直

直

解疑說



憨山大師法彙初集

心經直說

香港佛經流通處印行

寶
乎
知
覺

TREASURE SERMONS OF
MASTER HAN SHAN

憨山大師法彙初集 (全十册)

第二册

圓覺經直解. 金剛決疑. 心經直說

《非賣品》

印行者及
藏版者

贈送處
一、美國
二、美國檀香山虛雲寺
三、中國廣東曲江南華禪寺
四、中國上海市玉佛禪寺
五、香港佛經流通處
六、香港佛經流通處
七、香港佛經流通處
八、香港佛經流通處
九、香港佛經流通處
十、香港佛經流通處

佛曆式伍肆壹年(西曆一九九七)
歲次丁丑年十二月初八日
本師釋迦牟尼佛成道良辰敬印
沐恩弟子張永儉居士
清涼山沙門智開
美國謝張妙永玉居士
美國張恒生堂

42, KAWANANAKOA PLACE
HONOLULU HI 96817-1708, U.S.A.
PHOENIX, AZ, 85029, U.S.A.
1926, WEST CACTUS ROAD,
HONG KONG

香港佛經流通處
香港佛經流通處
香港佛經流通處
香港佛經流通處
香港佛經流通處
香港佛經流通處
香港佛經流通處
香港佛經流通處
香港佛經流通處
香港佛經流通處

H.K. BUDDHIST BOOK DISTRIBUTOR
390 KING'S ROAD, 4TH FLOOR,
FLAT "C" ASIA MANSION,
HONG KONG

憨山大師法彙初集

第二冊

一、圓覺經直解

二、金剛決疑

三、心經直說

般若波羅蜜多心經直說

那羅延山海印沙門釋德清述

此經題稱般若者何乃梵語也此云智慧稱波羅蜜多者何亦梵語也此云到彼所謂生死苦趣猶如大海而衆生情想無涯無明不覺識浪奔騰起惑造業流轉生死苦果無窮不能得度故云此所惟吾佛以大智慧光明照破情塵煩惱永斷諸苦皆盡二死永亡直超苦海高證涅槃故云彼所所言心者正是大智慧到彼所之

心殆非世人肉團妄想之心也良由世人不知本有智慧光明之心但認妄想攀緣影子而以依附血肉之團者爲真心所以執此血肉之軀以爲我有故依之造作種種惡業念念流浪曾無一念回光返照而自覺者日積月累從生至死從死至生無非是業無非是苦何由得度惟吾佛聖人能自覺本真智慧照破五蘊身心本來不有當體全空故頓超彼岸直渡苦海因慙迷者而復以此自證法門而開導之欲使人人

皆自覺悟智慧本有妄想元虛身心皆空世界如化不造衆惡遠離生死咸出苦海至涅槃樂故說此經經卽聖人之言教所謂終古之常法也

觀自在菩薩行深般若波羅蜜多時照見五蘊皆空度一切苦厄

菩薩卽能脩之人甚深般若卽所修之法照見五蘊皆空則修之之方度一切苦厄則修之實效也以此菩薩從佛聞此甚深般若卽思而修

之以智慧觀返照五蘊內外一空身心世界洞然無物忽然超越世出世間永離諸苦得大自在由是觀之菩薩既能以此得度足知人人皆可依之而修矣是故世尊特告尊者以示觀音之妙行欲曉諸人人也吾人苟能作如是觀若一念頓悟自心本有智慧光明如此廣大靈通徹照五蘊元空四大非有有何苦而不度又何業累之牽纏人我是非之強辯窮通得失之較計富貴貧賤之可嬰心者哉此上乃菩薩學般

若之實效也言五蘊者卽色受想行識耳然照
乃能觀之智五蘊卽所觀之境皆空則實效也
舍利子

此佛弟子之名也然舍利亦梵語此云鶩也此
鳥目最明利其母目如之故以爲名此尊者乃
鶩之子也故云舍利子在佛弟子中居智慧弟
一而此般若法門最爲甚深非大智慧者不能
領悟故特告之所謂可與智者道也

色不異空空不異色色卽是空空卽是色受想行

識亦復如是

此正對鶖子釋前五蘊皆空之意而五蘊中先舉色蘊而言者色乃人之身相也以其此身人人執之以爲已有乃堅固妄想之所凝結所謂我執之根本最爲難破者今入觀之初先觀此身四大假合本來不有當體全空內外洞然不爲此身之所籠罩則生死去來了無罣礙名色蘊破色蘊若破則彼四蘊可漸次深觀例此而推矣而言色不異空者此句破凡夫之常見也

良由凡夫但認色身執爲真實將謂是常而作
千秋百歲之計殊不知此身虛假不實爲生老
病死四相所遷念念不停以至老死畢竟無常
終歸於空此猶屬生滅之空尙未盡理良以四
大幻色元不異於真空耳凡夫不知故曉之曰
色不異空謂色身本不異於真空也空不異色
者此句破外道二乘斷滅之見也因外道修行
不知身從業生業從心生三世循環輪轉不息
由不達三世因果報應之理乃謂人死之後清

氣歸天濁氣歸地一靈真性還乎太虛苟如此說則絕無報應之理而作善者爲徒勞作惡者爲得計矣以性歸太虛則善惡無徵幾於淪滅豈不幸哉孔子言曰游魂爲變故知鬼神之情狀此正謂死而不亡者乃輪迴報應之理昭然也而世人不察橫爲斷滅謬之甚耳然二乘雖依佛教而修由不達三界唯心萬法唯識不了生死如幻如化將謂三界之相以爲實有故觀三界如牢獄厭四生如桎梏不起一念度生之

心沉空滯寂淪於寂滅故曉之曰空不異色謂真空本不異於幻色非是離色斷滅之空正顯般若乃實相真空耳何也以般若真空如大圓鏡一切幻色如鏡中像苟知像不離鏡則知空不異色矣此正破二乘離色斷滅之空及外道豁達之空也又恐世人將色空二字話爲兩橛不能平等一如而觀故又和會之曰色卽是空空卽是色耳苟如此觀知色不異空則無聲色貨利可貪亦無五欲塵勞可戀此則頓度凡夫

之苦也苟知空不異色則不起滅定而現諸威儀不動本際而作度生事業居空而萬行沸騰涉有而一道清淨此則頓超外道二乘之執也苟知色空平等一如則念念度生不見生之可度心心求佛不見佛果可求所謂圓成一心無智無得此則超越菩薩而頓登佛地彼岸者也卽此色蘊一法能作如是觀則其四蘊應念圓明正如一根旣返源六根成解脫故云受想行識亦復如是也誠能如是則諸苦頓斷佛果可

至彼岸非遙只在當人一念觀心成就耳如此之法豈非甚深者哉

舍利子是諸法空相不生不滅不垢不淨不增不減

此又恐世人以生滅心錯認真空實相般若之法而作生滅垢淨增減之解故召尊者以曉之曰所言真空之實相者不是生滅垢淨增減之法也且生滅垢淨增減者乃衆生情見之法耳而我般若真空實相之體湛然清淨猶若虛空

乃出情之法也豈然之哉故以不字不之謂五蘊諸法卽是真空實相一一皆離此諸過也

是故空中無色無受想行識無眼耳鼻舌身意無色聲香味觸法無眼界乃至無意識界無無明亦無無明盡乃至無老死亦無老死盡無苦集滅道無智亦無得

此乃通釋般若所以離過之意謂般若真空所以永離諸過者以此中清淨無物故無五蘊之跡不但無五蘊亦無六根不但無六根亦無六

塵不但無六塵亦無六識斯則根塵識界皆凡
夫法般若真空總皆離之故都云無此則離凡
夫法也然般若中不但無凡夫法亦無聖人法
以四諦十二因緣六度等皆出世三乘聖人之
法也苦集滅道四諦以厭苦斷集慕滅修道乃
聲聞法也無明緣行行緣識識緣名色名色緣
六入六入緣觸觸緣受受緣愛愛緣取取緣有
有緣生生緣老死乃十二因緣流轉門卽苦集
二諦無明盡至老死盡乃還滅門卽滅道二諦